



Broj: 01/01-793/19-2022
Sarajevo, 08.06.2022. godine

Na osnovu člana 64. stav (1) tačka b), člana 70. st. 1., 3. i 6. Zakona o javnim nabavkama („Sl. glasnik BiH“, broj 39/14), na Preporuku Komisije za javnu nabavku broj: 01/01-793/18-2022 od 03.06.2022. godine u postupku nabavke roba: **LABORATORIJSKI NAMJEŠTAJ**, Dekan Univerziteta u Sarajevu Prirodno-matematičkog fakulteta je donio

O D L U K U

o izboru najpovoljnijeg ponuđača u otvorenom postupku za dostavu ponuda

Član 1.

Prihvata se Preporuka Komisije za javnu nabavku, broj: 01/01-793/18-2022 od 03.06.2022. godine i ugovor za nabavku roba: **LABORATORIJSKI NAMJEŠTAJ** dodjeljuje se ponuđaču **“HAFELE BH” d.o.o. Gračanica**, čija ukupna cijena ponude iznosi **187.200,00 KM bez PDV-a**, kao najbolje ocijenjenom ponuđaču.

Član 2.

Izabrani ponuđač dužan je u roku od **5 (pet) dana** od dana zaprimanja ove Odluke, na adresu Univerziteta u Sarajevu - Prirodno-matematički fakultet, Zmaja od Bosne 33-35, 71000 Sarajevo dostaviti originale ili ovjerene kopije dokaza traženih tačkom 7. Tenderske dokumentacije, ne starije od 3 (tri) mjeseca od dana predaje ponude, računajući od dana dostavljanja ponude.

Član 3.

Za izvršenje ove odluke zadužuje se i ovlašćuje Sekretarijat i Služba računovodstva Fakulteta.

Član 4.

Ova odluka objavit će se na web-stranici www.pmf.unsa.ba istovremeno sa upućivanjem ponuđačima koji su učestvovali u postupku javne nabavke u skladu sa članom 70. stav (6) Zakona o javnim nabavkama BiH.

Obrazloženje

Na osnovu Odluke o pokretanju postupka javne nabavke broj: 01/01-793/3-2022 od 15.04.2022. godine, Univerziteta u Sarajevu - Prirodno-matematički fakultet je pokrenuo otvoreni postupak za dostavljanje ponuda za javnu nabavku roba: **LABORATORIJSKI NAMJEŠTAJ**.

Za provođenje postupka predmetne javne nabavke, Odlukom broj: 01/01-793/4-2022 od 15.04.2022. godine imenovana je Komisija za provođenje postupka javne nabavke.

Obavještenje o nabavci broj: 29340-1-1-32-3-9/22 objavljeno je na Portalu javnih nabavki dana 15.04.2022. godine, a u Službenom glasniku BiH br: 25/22 dana 22.04.2022. godine. U skladu sa pravosnažnim Rješenjem, broj: 01/01-793 /11-2022 od 06.05.2022. godine, koje je donešeno rješavajući Žalbu ponuđača *Divinita Company d.o.o. Doboj*, izjavljenu na Tendersku dokumentaciju za nabavku robe *Laboratorijski namještaj* u otvorenom postupku i članom 56. stav (3) Zakona o javnim nabavkama BiH („Službeni glasnik BiH“, broj 39/14) izvršene su izmjene u Aneksu 3 Tenderske dokumentacije i produžio se rok za podnošenje zahtjeva za učešće ili ponuda za 8 dana, tj. do 25.05.2022.

godine. U skladu sa navedenim Ispravka za Obavještenje o nabavci broj: 29340-1-1-32-8-17/22 objavljena je na Portalu javnih nabavki dana 28.03.2022. godine, a u Službenom glasniku BiH br: 32/22 dana 20.05.2022. god.

Iz Izvještaja o preuzimanju tenderske dokumentacije od strane ponuđača, vidljivo je da su u periodu koji je ostavljen za dostavljanje ponuda do 05.05.2022. godine, tendersku dokumentaciju preuzeli slijedeći potencijalni ponuđači: EKAPIJA DOO, ELTA 90 MB D.O.O., R&S D.O.O. SARAJEVO, ALPHACHROM D.O.O., BBS EUROPE, SEMIKEM D.O.O. SARAJEVO, DOO EUROLAB, DELICCO, TIM COMPANY D.O.O., INTER-COM DOO ZENICA, PROANALYTICA D.O.O., TKAONICA ĆILIMA D.D., SARTORIUS LIBRA ELEKTRONIK D.O.O., MIKRO+POLO D.O.O., DIJAL-"M", ANALITIKA D.O.O. SARAJEVO, MPS LAB D.O.O., HAFELE BH D.O.O., "LARIX" D.O.O., NIZ D.O.O. DRUŠTVO ZA PROIZVODNJU, TRGOVINU I USLUGE, KIS PRODUKT, STEEL DOO, PROKLIMA-TIM D.O.O., TRISAR-INN, APICAL DOO, DIVINITA.

Iz Izvještaja o preuzimanju tenderske dokumentacije od strane ponuđača, vidljivo je da su u periodu koji je ostavljen za dostavljanje ponuda do 22.05.2022. godine, tendersku dokumentaciju i ispravku tenderske dokumentacije preuzeli slijedeći potencijalni ponuđači: EKAPIJA DOO, APICAL DOO, PROKLIMA-TIM D.O.O., "LARIX" D.O.O., INTER-COM DOO ZENICA, DIJAL-"M", HELIA, PROANALYTICA D.O.O., DESINFECTA D.O.O., MIKRO+POLO D.O.O., DOO EUROLAB i HAFELE BH D.O.O.

Iz Izvještaja o pitanjima i odgovorima u periodu koji je ostavljen za dostavljanje ponuda, vidljivo je da ponuđači nisu postavljali pitanja u vezi pojašnjenja tenderske dokumentacije.

Iz Zapisnika o otvaranju ponuda vidljivo je da je Komisija za javne nabavke dana 25.05.2022. godine sa početkom u 10:30 sati po redoslijedu zaprimanja izvršila javno otvaranje blagovremeno prispjelih ponuda slijedećih ponuđača:

R. br.	Naziv/ime ponuđača	Blagovremene ponude	Broj prijemnog protokola	Datum i vrijeme pristigle ponude	Ponuda/izmjena i/ili dopuna ponude i datum i vrijeme pristigle izmjene/dopune Ponude
1.	„DIJAL-M“ d.o.o Sarajevo	Da	01/01-793-1/6-2022	29.04.2022.g. u 14:10 sati	01/01-793-7/6-2022 od 24.05.2022. g. u 13:50h
2.	„EURO LAB“ d.o.o Bijeljina	Da	01/01-793-2/6-2022	05.05.2022.g. u 08:20 sati	01/01-793-8/6-2022 od 25.05.2022. g. u 8:12h
3.	„HAFELE BH“ d.o.o. Gračanica	Da	01/01-793-3/6-2022	05.05.2022.g. u 09:40 sati	01/01-793-10/6-2022 od 25.05.2022. g. u 9:40h
4.	„APICAL“ d.o.o. Sarajevo	Da	01/01-793-4/6-2022	05.05.2022.g. u 09:26 sati	01/01-793-6/6-2022 od 24.05.2022. g. u 10:15h
5.	„INTER COM“ d.o.o. Zenica	Da	01/01-793-5/6-2022	23.05.2022. g. u 11:05h	-
6.	„LARIX“ d.o.o Dobož	Da	01/01-793-9/6-2022	25.05.2022. g. u 09:21h	.

Na javnom otvaranju ponuda nisu bili prisutni predstavnici ponuđača.

Zapisnik sa otvaranja ponuda je zajedno sa zapisnikom o prijemu ponuda isti dan, 25.05.2022. godine prosljeđen elektronskim putem (E-mail-om) ponuđačima koji su blagovremeno dostavili ponude.

Komisija za javne nabavke sastala se 25. 05. 2022. godine sa početkom u 10:30 sati, radi pregleda i ocjene ponuda, odnosno da bi utvrdila da li su ponuđači ispunili uslove koji su traženi Tenderskom dokumentacijom, kao i da bi utvrdila da li su ponuđači dostavili tehnički zadovoljavajuće ponude u skladu sa zahtjevima iz Tenderske dokumentacije i da li su kvalifikovani za nabavku predmetne robe.

Iz *Zapisnika o pregledu i ocjeni ponuda* je vidljivo da u ponudi ponuđača „Euro lab“ d.o.o. Bijeljina bila računaska greška. Komisija za nabavku roba je prilikom analize ponude ponuđača „Euro lab“ d.o.o. Bijeljina uočila da je isti prilikom obračuna u korigovanom Aneksu 3 napravio računsku grešku, tj. u rubrici koja je predviđena za popust unešen je iznos PDV-a, koji je ponuđač sabrao u Ukupnu cijenu sa popustom bez PDV-a. U skladu s tim, ugovorni organ je dana 26.05.2022. godine uputio „Euro lab“ d.o.o. Bijeljina putem E-maila zahtjev za prihvatanje ispravke računске greške: broj: 01/01-793/15-2022 od 26.05.2022. godine. Ponuđač je prihvatio ispravku računске greške, aktom broj: 01/01-793/16-2022 od 26.05.2022. godine.

Nakon pregleda i ocjene ponuda, Komisija za provođenje postupka nabavke je utvrdila sljedeće:

Tačkom 7.1 Uslovi za kvalifikaciju Tenderske dokumentacije kao jedan od uslova za kvalifikaciju u smislu dokazivanja ekonomsko-finansijske sposobnosti u skladu sa članom 47. Zakona o javnim nabavkama predviđeno je:

- b) da bankovni račun nije blokiran u zadnjih 12 (dvanaest) mjeseci ili od početka poslovanja ako je ponuđač registrovan, odnosno počeo sa radom prije manje od 12 (dvanaest) mjeseci od dana objave obavještenja o nabavci;

Tenderskom dokumentacijom u svrhu dokazivanja ekonomsko-finansijske sposobnosti, u skladu sa članom 47. Zakona o javnim nabavkama:

- ✓ ponuđač je dužan dostaviti potvrdu izdatu od strane banke u kojoj je otvoren „Glavni račun“ sa naznakom od strane banke da navedeni račun ponuđača predstavlja glavni račun, te da isti nije bio blokiran u zadnjih 12 (dvanaest) mjeseci od datuma izdavanja potvrde, a koji treba biti nakon datuma objave obavještenja o nabavci;
- Komisija za nabavke je pregledom i ocjenom ponuda konstatovala da je ponuđač „**EURO LAB**“ d.o.o. **Bijeljina** u svojoj Ponudi dostavio kopiju Potvrde od NLB Banke iz koje je vidljivo da račun nije bio blokiran u posljednjih 12 mjeseci, **međutim iz Potvrde nije vidljivo da je riječ o glavnom računu**. Iz priložene Potvrde **nije vidljivo da navedeni transakcijski račun ponuđača predstavlja glavni račun**, što nije u skladu sa tačkom 7.1 Tenderske dokumentacije, jer nije priložen traženi dokaz.

U tački 7.1 Uslovi za kvalifikaciju TD također je propisano da u slučaju da se u ponudi ne dostave traženi dokumenti propisani tenderskom dokumentacijom ili se ne dostave na način kako je naprijed traženo, ponuđač će biti isključen iz daljeg učešća zbog neispunjavanja navedenih uslova za kvalifikaciju.

Pored navedenog u skladu sa tačkom 8. Sadržaj ponude i način pripreme ponude TD je propisano da su Ponuđači obavezni da pripreme ponude u skladu sa zahtjevima i uslovima koji su utvrđeni u ovoj Tenderskoj dokumentaciji.

Imajući u vidu navedeno utvrđeno činjenično stanje, Komisija je konstatovala da ponuđač „EURO LAB“ d.o.o. Bijeljina nije postupio u skladu sa tačkom 7.1. Tenderske dokumentacije i članom 47. stav (1) tačke a) ZJN, jer nije u ponudi dostavio traženi dokaz, te time nije ispunio zahtjeve Ugovornog organa utvrđene u Tenderskoj dokumentaciji za navedeni predmet nabavke.

- Komisija za nabavke je pregledom i ocjenom ponuda konstatovala da je ponuđač „**APICAL**“ d.o.o. **Sarajevo** u svojoj Ponudi dostavio ovjerenu kopiju Potvrde od INTESA SANPAOLO BANKE iz koje je vidljivo da račun nije bio blokiran u posljednjih 12 mjeseci, **međutim iz Potvrde nije vidljivo da je riječ o glavnom računu**. Iz priložene Potvrde **nije vidljivo da navedeni transakcijski račun ponuđača predstavlja glavni račun**, što nije u skladu sa tačkom 7.1 Tenderske dokumentacije, jer nije priložen traženi dokaz.

U tački 7.1 Uslovi za kvalifikaciju TD također je propisano da u slučaju da se u ponudi ne dostave traženi dokumenti propisani tenderskom dokumentacijom ili se ne dostave na način kako je naprijed traženo, ponuđač će biti isključen iz daljeg učešća zbog neispunjavanja navedenih uslova za kvalifikaciju.

Pored navedenog u skladu sa tačkom 8. *Sadržaj ponude i način pripreme ponude* TD je propisano da su Ponuđači obavezni da pripreme ponude u skladu sa zahtjevima i uslovima koji su utvrđeni u ovoj Tenderskoj dokumentaciji.

Imajući u vidu navedeno utvrđeno činjenično stanje, Komisija je konstatovala da ponuđač „APICAL“ d.o.o. Sarajevo nije postupio u skladu sa tačkom 7.1. Tenderske dokumentacije i članom 47. stav (1) tačke a) ZJN, jer nije u ponudi dostavio traženi dokaz, te time nije ispunio zahtjeve Ugovornog organa utvrđene u Tenderskoj dokumentaciji za navedeni predmet nabavke.

- Komisija za nabavke je pregledom i ocjenom ponuda konstatovala da je ponuđač „LARIX“ d.o.o. Doboj u svojoj Ponudi *nije dostavio* popunjen, ovjeren i potpisan *korigovani* Obrazac za cijenu ponude - Aneks 3. U skladu sa pravosnažnim Rješenjem, broj: 01/01-793 /11-2022 od 06.05.2022. godine, koje je donešeno rješavajući Žalbu ponuđača *Divinita Company d.o.o. Doboj*, izjavljenu na Tendersku dokumentaciju za nabavku robe *Laboratorijski namještaj* u otvorenom postupku i članom 56. stav (3) Zakona o javnim nabavkama BiH („Službeni glasnik BiH“, broj 39/14) izvršene su izmjene u Aneksu 3 Tenderske dokumentacije i produžio se rok za podnošenje zahtjeva za učešće ili ponuda za 8 dana, tj. do 25.05.2022. godine. Ispravka Obavještenja o nabavci je objavljena na Portalu javnih nabavki u skladu sa Zakonom dana 17.05.2022. godine. Na Portal Agencije za javne nabvake BiH postavljen je i *korigovani Aneks 3, koji je sastavni dio TD, koji je ponuđač bio obavezan predati kao sastavni dio ponude*. Imenovani ponuđač je u okviru svoje Ponude dostavio popunjen, ovjeren i potpisan Obrazac za cijenu ponude - Aneks 3, ali *ne korigovani Aneks 3*, koji je bio obavezan da dostavi u sklopu Ponude, u skladu sa izmjenama i dopunama TD.

Pored navedenog u skladu sa tačkom 8. *Sadržaj ponude i način pripreme ponude* TD je propisano da su Ponuđači obavezni da pripreme ponude u skladu sa zahtjevima i uslovima koji su utvrđeni u ovoj Tenderskoj dokumentaciji.

Imajući u vidu navedeno utvrđeno činjenično stanje, Komisija je konstatovala da ponuđač „LARIX“ d.o.o. Doboj nije postupio u skladu propisanim zahtjevima TD i nije ispunio uslove iz tenderske dokumentacije.

Budući da je članom 68. stav (4) tačka i) ZJN propisano da ugovorni organ obavezno odbacuje ponudu koja nije potpuna i ne ispunjava uslove iz tenderske dokumentacije, Komisija za javne nabavke, imajući u vidu prethodno navedeno činjenično stanje, je konstatovala da *su Ponude ponuđača: „EUROLAB“ d.o.o. Bijeljina, „APICAL“ d.o.o. Sarajevo i „LARIX“ d.o.o Doboj neprihvatljive*.

U skladu sa prethodno navedenim zakonskim odredbama i Tenderskom dokumentacijom, zbog neispunjavanja navedenih uslova za kvalifikaciju, ponude su ocjenjene kao neprihvatljive, te kao takve nisu uzete u dalje razmatranje.

Redni br.	Naziv i sjedište ponuđača	Ponude ni popust	Ukupna cijena ponude
1.	„Hafele BH“ d.o.o. Gračanica, 75329 Miričina	0,00 KM	Cijena ponude bez PDV-a 209.170,00 KM 0% popust <i>Ukupna cijena ponude sa uračunatim popustom bez PDV-a =209.170,00KM</i> PDV na cijenu ponude= 35.558,90 KM Ukupna cijena za ugovor 244.728,90 KM sa PDV-om
2.	„INTER COM“ d.o.o. Zenica, Vrandučka 71b, 72000 Zenica	0,00 KM	Cijena ponude bez PDV-a 209.915,00 KM 0% popust <i>Ukupna cijena ponude sa uračunatim popustom bez PDV-a =209.915,00KM</i> PDV na cijenu ponude= 35.685,55 KM Ukupna cijena za ugovor 245.600,55 KM sa PDV-om
3.	„DIJAL-M“ d.o.o Sarajevo, Zagrebačka 24/PR, 71000 Sarajevo	0,00 KM	Cijena ponude bez PDV-a 210.000,00 KM 0% popust <i>Ukupna cijena ponude sa uračunatim popustom bez PDV-a=210.000,00 KM</i> PDV na cijenu ponude= 35.700,00 KM Ukupna cijena za ugovor 245.700,00 KM sa PDV-om

Nakon pregleda i ocjene ponuda, Komisija za provođenje postupka nabavke je utvrdila da ponuđači: „DIJAL-M“ d.o.o Sarajevo, „Hafele BH“ d.o.o. Gračanica i „INTER COM“ d.o.o. Zenica ispunjavaju sve minimalne uslove za kvalifikaciju tražene tenderskom dokumentacijom, te su njihove ponude ocjenjenje kao prihvatljive.

Iz Zapisnika o pregledu i ocjeni ponuda je vidljivo da je za predmetnu nabavku, kao što je i navedeno u Tenderskoj dokumentaciji i Obavještenju o nabavci, broj: 29340-1-1-32-3-9/22 od 15.04.2022. godine i ispravci Obavještenja, broj: 29340-1-1-32-8-17/22 od 17.05.2022. godine predviđeno provođenje E-aukcije za kvalifikovane ponuđače. S obzirom da su pristigle tri prihvatljive ponude, E-aukcija je zakazana sa 30.05.2022. godine sa početkom u 13:30h.

Nakon provedene E-aukcije utvrđena je **konačna rang lista** ponuđača kako slijedi:

R.br.	Naziv ponuđača	Konačna cijena u KM bez PDV-a	Umanjenje cijene	Rang
1	HAFELE BH d.o.o. Gračanica	187200,00	10,5% **	1
2	DIJAL-"M" d.o.o. Sarajevo	187490,00	10,72% **	2
3	INTER-COM d.o.o. Zenica	209915,00	0%	3

** Označava približnu vrijednost procentualnog umanjenja nakon zaokruživanja na dvije decimale

Shodno navedenom, Komisija za javne nabavke je prema utvrđenom kriteriju najniže cijene tehnički zadovoljavajuće ponude dala preporuku Dekanu Univerziteta u Sarajevu Prirodno-matematičkog fakulteta da se u predmetu nabavke roba: **LABORATORIJSKI NAMJEŠTAJ** donese Odluka o dodjeli ugovora ponuđaču "HAFELE BH" d.o.o. Gračanica, čija cijena ponude iznosi 187.200,00 KM bez PDV-a.

Uzimajući u obzir naprijed navedeno, primjenom člana 64. stava (1) tačka b) Zakona o javnim nabavkama, prihvaćena je preporuka Komisije za javnu nabavku i odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.



Dostaviti:

- HAFELE BH d.o.o. Gračanica
- DIJAL- M d.o.o. Sarajevo
- EURO-LAB d.o.o. Bijejina
- APICAL d.o.o. Sarajevo
- INTER-COM d.o.o. Zenica
- LARIX d.o.o. Doboj
- Dosije nabavki
- a/a